

SOEK MY AANGESIG

Psalm 27:8

'n Praktiese gids oor hoe om vir 'n halfuur uur te waak en te bid

1. Soek Sy aangesig deur Sy Naam aan te roep (5 min)

Jahwe, die bron van alle standvastigheid en bemoediging (Rom.15:5), God van medelye, genadige God (Eks.34:6), El-Shaddai (die Algenoegsame; die Almagtige) (Gen.17:1), Jahwe-Jire (Die Here wat voorsien) (Gen.22:14), Jahwe-Rofeka (die Here wat jou gesondmaak) (Eks.15:26), Jahwe-Shalom (die Here gee rus/vrede) (Ps.35:27), die Here van die hele wêreld (Mig.4:13) Jesus Christus is die weg, die waarheid en die lewe (Joh.14:6), Hy is die krag en die wysheid van God (1 Kor.1:24), die Lam in die middel van die troon (Op.7:17), die Lam wat geslag is (Op.5:12), die hoop van God se heerlikheid (Kol. 1:26); die Gees van vrymaking, insig, raad en sterkte, kennis en eerbied vir die Here (Jes.11:2), genade en smeking, heiligheid, liefde, waarheid, krag, selfbeheer, wysheid en openbaring van die kennis van God, die Gees van heerlikheid.

Dink na oor elke naam wat jy hier lees en maak die Here se naam groot.

Lees ook Kolossense 1: ¹⁵⁻²³ rustig deur.

2. Soek Sy aangesig deur vir persoonlike herlewing te bid (5 min)

Vra jouself die volgende vrae:

- Is daar onbelyde sonde in my lewe?
- Het ek onvergewensgesindheid en bitterheid in my lewe?
- Is daar enige twyfelagtige praktyke of aktiwiteite in my lewe?
- Gehoorzaam ek die Heilige Gees dadelik in alle dinge?
- Bely ek Jesus onbeskaamd?

Bely jou sonde en vra die Here om die boesemsondes in jou lewe finaal te breek.

3. Soek Sy aangesig namens ongeredde familie, vriende of individue (5 min)

1. _____
2. _____
3. _____
4. _____
5. _____

Skryf die name neer (indien jy dit nog nie gedoen het nie). Bid vir hulle redding, dat die Here hulle sal seën (geestelik, sosiaal en emosioneel), en bid vir hulle fisieke behoeftes. Bid ook vir jou onmiddellike omgewing waar jy bly en vra dat die Here al die Christene wat lou geword het in hulle geloof weer tot bekering sal vernuwe.

4. Soek Sy aangesig sodat Sy heerlijkheid deur die kerk sigbaar sal word (5 min).

1. Ons bid vir ons **gemeente se pad vir 2008**

- Ons vra die Here se leiding rondom beplanning vir 2008.
- Ons vra dat die Here duidelik sal lei in ons beplanning rakende ons gemeente se
 - a. **geestelike groei** (watter temas in die prediking behandel moet word, watter temas in ons selgroepe hanteer moet word asook die inligting wat saam met alles moet gaan)
 - b. **uitwendige groei** (hoe ons inderdaad dissipels sal kan wees in die UAE sodat hierdie land bereik kan word met die evangelie van Jesus Christus. Hoe moet die strategie wees wat ons as gemeente moet vol om ander tot bekering te help lei.)
 - c. **verhoudingsgroei** (om net sterker in ons verhoudings te kan groei en meer kleingroepe te vestig)
 - d. **aanbiddingsgroei** (om net meer en meer soos Jesus te word in elke faset van ons lewe)

2. **Gebedsbediening:**

- Ons dank die Here vir die L.I.G. – Huis bediening wat so goed gevestig het en ons bid dat die Here ons 'n Lewend In Gebed (L.I.G. – Huis) gemeente sal maak en hou. Ons vra dat die Here bidders sal opwek om Sy Koninkryk hier in die UAE deur gebed te help groei
- Ons bid dat ons gebedsendelinge sal wees en ons bid vir ons sendelinge (Gerrit in Malawi en Charl in Morokko) vir die sendingwerk wat hulle onder die Moslems doen.
- Ons vra ook dat die Here deur ons gemeente 'n 24/7 gebedsfokus sal vestig en dat ander gemeentes by ons sal aansluit sodat daar uiteidelik elke dag 'n gemeente of gemeentes sal wees wat deel uit maak van 'n 24 uur van gebed 7 dae 'n week vir elke dag van die jaar in die UAE.
- Ons bid vir meer gebedsgroepe wat gereelde weeklikse gebedsbyeenkomste hou van 19:00 – 21:00 eenmaal per week.

3. Ons bid vir **ons gemeente se toerusting**

- dat ons 'n liefde sal ontwikkel om God se Woord daaglik te lees en dat ons geestelik sal verdiep. Ons bid vir die toerusting in ons gemeente. Ons vra
- dat die Here ons onderwysers sal gee om ons kinders toe te rus en ouers wat hulle kinders se opleiding sal ondersteun deur self by die kerk betrokke te bly.
- dat ons verskillende Bybelstudie geleenthede (selgroepe, Bybelskool, Vroue Bybelstudie) sal groei in getalle en elkeen liefde vir die Woord sal ontwikkel.
- dat die Here die prediking op Vrydae en Sondae ryklik sal seën

4. Ons bid vir die **uitbreiding van ons selgroepe** en vra

- dat die Here die leiers sal gee wat ons selgroepe moet lei asook die harte van mense sal oopmaak om by selgroepe betrokke te raak. Ons vra
- dat die Here ons selgroepe sal gebruik as 'n evangelisasie middel om ander in te trek wat aan die kant staan of afvallig geraak het.

5. Ons bid dat ons **meer en meer soos Jesus sal word in ons liefde** en die vrug van die Gees in Gal 5:22. (lees dit na en bid dit vir ons gemeente)
6. Ons bid dat **God se Eer die fokus** van ons lewe sal word, wees en bly. Ons wil met ons lewe die eer van God soek in alles wat doen
7. Ons bid ook vir Elze Meyer se beoek en die **Esther konferensie in 2008**. Ons pleit die Here se salwing af op die naweek van 8 en 9 Februarie 2008. Ons vra dat die voorbereiding reg sal verloop en dat die Afrikaanssprekende vroue in die UAE sal kom bywoon. Ons vertrou die Here vir 400 vrouens wat sal bywoon
8. Ons bid vir al ons **ander gemeentes in die UAE en die kerk wêreldwyd**
 - Dat gemeentes herstel sal word as huise van gebed vir al die nasies (Jes.56:7; Matt.21:13)
 - Dat gemeentes die Groot Opdrag sal uitvoer – om die Evangelie aan alle nasies te bring (Matt.28:18-20)
 - Dat gemeentes die Groot Gebod sal uitleef – dat hulle na hul gemeenskap op relevante wyse sal uitreik met dae wat getuig van liefde en meegevoel (Matt.22:37-40)
 - Dat die Kerk Woord-getrou sal wees
 - Vir die herstel van verhoudings binne gemeentes en ook tussen plaaslike gemeentes: verdeeldheid, trots, jaloesie, ens.

5. Soek Sy aangesig vir persoonlike behoeftes (5 min)

1. _____
2. _____
3. _____
4. _____
5. _____

6. Soek Sy aangesig deur te waak en te luister (5 min)

- Vra dat die Here nuwe dinge aan jou sal bekendmaak, dinge waarvan Hy wil hê jy bewus moet raak en op moet let.
- Vra dat Hy Sy wil en sy planne/strategieë aan jou sal bekendmaak. Vra Hom na die dinge wat op Sy hart is waarvoor Hy wil hê dat jy moet bid. Skryf neer (hou dagboek) wat jy van Hom hoor.
- Sluit af deur vir die volgende persoon wat bid in die volgende halfuur, aan die Here op te dra en te vra dat die Here hom/haar sal sien.
- Dank die Here vir die geleentheid om deel te kon neem aan die 24 uur van gebed.